


Sindikata srednjeg i visokog obrazovanja,
odgoja, nauke i kulture BiH
- Kantonalni odbor TK



Samostalni sindikat radnika
osnovnog obrazovanja i odgoja TK

Broj: 02- 394/2020
Tuzla, 19.10.2020.godine

Broj: 02-298/2020
Tuzla, 19.10.2020.godine

**Ministarstvo obrazovanja i nauke
Tuzlanskog kantona
N/r Ministrice**

TUZLANSKI KANTON
UREDJENJE ZA ZAJEDNICKE POSLOVE
KANTONALNIH ORGANA

Datum: 21-10-2020
Potpis: [Signature]

Predmet: Zahtjev za dostavljanje odgovora.

Veza: Pravilnik o kolanju finansijske dokumentacije između Ministarstva obrazovanja i nauke TK – Operativni centar za osnovno i srednje obrazovanje i budžetskih korisnika - osnovnih i srednjih škola za koje Ministarstvo obrazovanja i nauke TK-a vodi pomoćne knjige Trezora („Službene novine Tuzlanskog kantona“, broj: 14/20- u daljem tekstu: Pravilnik o kolanju finansijske dokumentacije).

Poštovana,

Prije svega, želimo Vas još jednom podsjetiti, da je članom 139. stav (2) Zakona o osnovnom odgoju i obrazovanju („Službene novine TK“, broj: 10/20 – prečišćeni tekst) odnosno članom 172. stav (6) Zakona o srednjem obrazovanju i odgoju („Službene novine TK“, broj: 10/20 – prečišćeni tekst) propisano:

„Prilikom donošenja podzakonskih akata koji se odnose na prava, obaveze i odgovornosti zaposlenika obavezno je učesće ovlašćenih predstavnika sindikata potpisnika Kolektivnog ugovora za djelatnost osnovnog/srednjeg obrazovanja Tuzlanskog kantona.“

Međutim, i pored citirane zakonske odredbe, u posljednje dvije godine svjedočimo donošenju podzakonskih akata koji „reguliraju“ oblast osnovnog obrazovanja u Tuzlanskom kantonu, a kojima se na vrlo direktan način zaposlenicima **uvode novododatni poslovi ili nameću nove obaveze čije (ne)izvršavanje povlači odgovornost zaposlenika** a da u postupku donošenja istih Sindikat nije učestvovao, iako se jednostrano donesenim aktima disponira pravima, obavezama i odgovornostima zaposlenika.

Posljednji u nizu koji su doneseni bili su svakako Izmjene odnosno dopune NPP-a, Uredba o uslovima, kriterijima, postupku i načinu imenovanja, te načinu rada školskog odbora za osnovne škole čiji je osnivač Skupština TK („Službene novine TK“, broj: 12/20-kojeg je donijela Vlada TK) te Pravilnik o kolanju finansijske dokumentacije.

Ovim zahtjevom **prioritetno se fokusiramo na Pravilnik o kolanju finansijske dokumentacije kojeg ste donijeli temeljem člana 86. stav (1). Zakona o budžetima F BiH („Službene novine F BiH“, broj: 102/13, 9/14, 13/14, 8/15, 91/15, 102/15, 104/16, 5/18, 30/19 i 99/19 - u daljem tekstu: **Zakon o budžetima**).** Međutim, navedena odredba Zakona o budžetima ima za cilj uspostavljanje sistema interne kontrole unutar budžetskog korisnika kao i obavezu budžetskog korisnika da donese odnosno uspostavi sistem interne kontrole a koja je jasno definirana članom 2. stav (2) Zakona o internoj reviziji u javnom sektoru u F BiH („Službene novine F BiH“, broj: 47/08 i 32/16 – u daljem tekstu: **Zakon o internoj reviziji**), a koja glasi:

„Interna kontrola podrazumijeva različite mehanizme kojima se osigurava ispravno izvršavanje odluka vezanih za budžetske i ostale politike, posebno u slijedećim oblastima: finansijskog izvještavanja, efikasnih sistema komunikacije između rukovodioca i njihovog osoblja, računovodstvenih kontrola, kontrola procesa i kontrole javnih nabavki.“

U skladu sa navedenim, Samostalni sindikat radnika osnovnog obrazovanja i odgoja Tuzlanskog kantona i Sindikat srednjeg i visokog obrazovanja, odgoja, nauke i kulture BiH Tuzlanskog kantona Vam upućuju zahtjev da dostavite pisani odgovor na pitanja:

1. Da li doneseni Pravilnik o kolanju finansijske dokumentacije ima pravno utemeljenje u odredbama Zakona o budžetima F BiH, ili je neophodno i cjelishodno da se isti zamijeni „internim aktom“ budžetskog korisnika i
2. Da li se donesenim Pravilnikom o kolanju finansijske dokumentacije, na potpuno zakonit način osigurava učinkovit i funkcionalan sistem interne kontrole kod budžetskog korisnika, na način kako je to propisao Zakon o internoj reviziji i Zakon o javnim nabavkama.

Zbog svega naprijed navedenog, a sa ciljem izbjegavanja bilo kakvih neželjenih posljedica, Samostalni sindikat radnika osnovnog obrazovanja i odgoja Tuzlanskog kantona i Sindikat srednjeg i visokog obrazovanja, odgoja, nauke i kulture BiH Tuzlanskog kantona Vas pozivaju da u roku od 5 dana od dana prijema ovog zahtjeva dostavite pisani odgovor na pitanja iz ovog zahtjeva.

Dostavljeno:

- 1x – Ministarstvo obrazovanja i nauke TK
- 1x – Arhiva SSOOiO TK
- 1x – Arhiva SSVOONK BiH TK

